

浮生夢跡

浮生夢跡卷四

鐵嶺曾憲文梅峰甫編

春日

雨餘花送一庭香
放達何須駁老莊
過眼煙雲容我
懶累心名利爲誰忙
迷離春色如殘夢
倏忽流光易
夕陽萬感人情真
錯雜難將熱念問滄桑

但祝有天皆化日
須知無地不人情
家和喜愜妻孥
願春好歡騰鳥雀聲
一徑松陰含積雨
半欄花影得
新晴浮名私利難排遣
幾輩勞勞誤此生

雨過小院涼如洗
睡起無聊酒乍醒
催我光陰頭漸

白感人流俗眼難青鶯花絢爛剛三月人鳥清閒共
一庭舊事不堪回首憶幾年蹤跡歎浮萍

培養心田種福根舉家溫飽亦天恩常防因富疎親
友最喜吟詩仰白元燕薊三年充政客繁華一夢醒
侯門植花種樹關懷事愛惜吾廬告子孫

東山道中遇雨

一路經過處春光望欲迷懸崖行客少野水渡雲低
山隱孤村小風迴萬樹齊巖花看不盡匹馬斷橋西
其二

懸崖如削壁車馬去徘徊花塢孤村出桑田數畝開

溪陰雲影渡山合水聲回投宿知何處鳴禽喚客來

其三

靑靑山不斷高下幾人家野徑初成雨疎籬半放花
犬聲隨客去燕影受風斜偶見林棲叟披簑自採茶

其四

客途三月暮數里柳陰拖天聚雲千嶂風吹雨一簑
河流隨樹曲村落隱山多安得長栖此悠悠養太和
暮春夜雨

此生如幻夢舉世半迷津不受浮名累常憐舊友貧
雨聲春盡夜鐙影醉歸人坐久空堂靜敲碁聽比鄰

過大汎河

昔日稱名鎮城基今尙留人家分兩岸河水有孤舟
比屋連天雨平田十里秋就醫占勿藥定省記前遊
河干晚眺

曲曲河干積雨收暮天無事不清幽草生沙蹟來黃
犢風捲波聲起白鷗萬疊晚山孤立客半灣流水一
歸舟行吟向少離騷感贏得新詩到處留

春遊山寺

古寺通幽徑沈沈夕照間奇峰多傍水倦鳥不離山
花落風初定雲深客亦閒愛僧兼愛靜有約到禪關

贈友人

回首塵寰路崎嶇不可行多財千事累無病一身輕
巢樹鴉知暮銜泥燕喜晴寄言泉石客同此學長生
過友人故居

半畝青山數畝園比隣煙火自成村三年雞黍人尋
約一徑松杉日欲昏短榻臨窗宜對酒好花迎客恰
當門請君爲我賦招隱莫向瀟湘問屈原

居家詠懷

依然還我自由身咫尺龍山作比隣半壁風雲仍戰
壘一庭花鳥又陽春興豪因酒交新友年老留詩贈

後人怕說從前名利事燕京三載滿衣塵
萬念回頭成夢寐滿庭暖氣夕陽斜親朋來往皆爲
樂妻子團圓卽是家新鳥營巢知擇樹雛雞試啄怕
傷花田園莫惜歸裝晚春到幽居好歲華

春日登山

春到名山事事幽鶯花從古不知愁永和三月天初
暖酒客詩人聚一樓

醉後憶高文閣

節近初冬夜正長與君舊事幾思量半生詩酒成知
己卅載光陰老異鄉直到白頭親筆硯那堪青眼閱

滄桑鬚眉不是中年樣老大偏憎歲月忙

秋山晚望

群巒多瘦意秋色落晴空
碓杵孤城日松杉萬樹風
野崖高似壁河水曲如弓
一棒鐘聲歇殘陽滿徑紅

秋夜憶陳秉初

感時壯念漸成灰倏忽光陰去不回
幾處高樓當月立一行歸雁逐雲來
雨餘夜氣清於水秋後詩心瘦似梅
記得龍山作重九黃花白髮笑相陪

遊山晚歸

直上重巒第幾層四圍空濶晚煙凝
詩筒酒榼清偕

友丹竈經龕靜愛僧一路秋風歸醉客滿天暮色下
飢鷹林園咫尺家門近回首峰頭月半稜

秋日家居感懷

一庭秋色渾如夢今古由來是剎那錢到濟人方愧
少友眞知己不求多紅塵擾擾憑他去白髮蕭蕭奈
老何宅外有山園有樹清閒歲月信天過

閒對琴書作醉鄉落花歸雁兩茫茫樹藏老屋連山
近風捲殘雲過雨忙幾日天光互寒熱滿園霜葉雜
丹黃流年倏忽重陽去又是清秋夢一場

秋山晚眺

短筇伴我尋幽去回首塵寰晚照多雁信那堪愁裏
見駒光半是醉中過萬山霜落人如葉四野風凝水
不波淒絕西南天一角戰雲紛擾奈民何

憶京師某校書

送君腸斷別離詩珍重臨歧酒一卮暑雨黃梅愁裏
過春風紅豆苦中思夢當好處醒偏早花到殘時惜
已遲此後音書關塞隔伯勞飛去各天涯

辛酉八月赴京再到長安公寓

市井依然照夕暉停車客似鴈西飛瘡痍遍野難回
首兄弟鬩牆乍解圍書劍重來秋色老樓臺仍舊主

人非神京纔是經年別冷落朱門故友稀

小遊長春電燈局長高君士元賓晏樓招飲

同上高樓四月天他鄉聚飲亦前緣萍蓬踪跡人千里文字交情夢十年大隱毫無遊宦習盛筵不惜養廉錢陪都舊事難回首小語鶯花共黯然

庚申歸來贈龍山諸友

一縣青山夢故園歸來松菊淡無言談心難對新交友貶節須防大吏門富不藏金急公益老猶種樹蔭兒孫龍山舊雨人多健座上歡開北海樽

春日憶燕京

愁懷那敢讀離騷
敲得新詩強自豪
遠客三年燕地夢
好花一徑曼仙桃
性因喜酒常忘醉
樹爲看山不放高
京洛知交半零落
感傷往事首頻搔

春日詠懷

小園昨夜得春霖
老去看花有倖心
遲暮多情亦少壯
市朝能隱即山林
偶逢李賀須傾酒
不遇期牙莫撫琴
利藪名場眞錯過
金錢難買寸光陰

過楊姓山居

弱柳垂楊一徑斜
任他城市自繁華
此生有地皆爲樂
何處容身不是家
四壁雲煙成土著
半山雞犬臥

桃花相逢未問塵間事笑遣農夫去煮茶

壬戌燕京遇舊同院劉孔嘉

淒涼往事不堪聞日暮高樓酒欲醺
晉地新詩曾憶我燕京舊雨又逢君
浪遊踪跡如紅葉已去功名似白雲
人世光陰真易過驚心三載悵離群

燕京憶舊

滿天花氣帶愁過惆悵雙眉淡掃娥碧玉年華飄忽
去紅樓春夢別離多情天脈脈疑能語孽海茫茫似
有波入夜管絃無賴甚隣家誰唱懊儂歌

庚申之秋重陽前一日爲不佞母難之期蒙諸

公獻花進酒歡聲華祝感且不朽勉成四韻鳴

謝隆情工拙不計也

剛水雲軒廖景森甫稿

出世年來八十秋尚持弧矢四方遊春暉已泯靈光
在母難追思老淚流野草綠生萊子邑夕陽紅上仲
宣樓龍鍾雙袖猶能舞滿把黃花插白頭

和邑侯廖錢如令叔雲軒先生元韻

欣逢盛宴不妨秋願向先生負笈遊萊子堂中皆後
輩耆英會下拜名流菊能稱壽陶公酒詩有清才趙
倚樓正是重陽好天氣黃花笑上老人頭

癸亥重到京師與友人茶話奉天會館

浮生夢跡 卷四
顧名同有思鄉念興廢關懷意更深竹院風回鳴碎
響松窗日午落層陰盈門冠蓋三年夢遍地滄桑萬
感心別後不知春幾度舊栽花柳漸成林

寄京師孫敬亭

旅館春鎧一穗紅長安作客與君同凌雲有賦終疑
俗枯筆無文莫送窮幾度詩狂如醉後連宵雨苦似
愁中從今不買君平卜萬變滄桑任化工

野花

此身生不在巖阿惜寸光陰歎剎那每悵雨風佳日
少那堪採折路人多繁華事盡春無主絢爛時過夢

有魔斷梗飄蓬同一哭斜陽孤影自婆娑

寄京師陳海峰

與君小飲長安日轉眼東風又幾春
舊雨睽違年共老好詩持贈墨猶新
酒餘搔首空憐我事後捫心怕負人
莫向朋儕頻問訊而今半是白頭身

陪都新商埠

昔日茫茫萬頃田樓臺新起好風煙
幾多市井疑無地一霎滄桑別有天
夢裏鉛華青眼客鏡中鬢髮白頭年
鶯花三月春如海勝地重遊亦夙緣

隋煬帝

錦帆一去下江都
煬帝才華絕世無
獨惜短於作天子
空教引鏡照頭顱

梁元帝

鐵騎重重四合天
梁園金粉渺雲煙
君臣猶作癡迷夢
戎服聽經事可憐

友人袁君潔珊屢薦要差因病均未應命作此
以誌感念

當途破格求才日
說項逢人用意深
到老無官非棄我
賞音負友尙慙心
家藏雞黍三年約
人醉鶯花一曲琴
殷浩空疎願養拙
交情原不在升沈